

Y 6  
1317

De Rectoribus Gymnasii Goricensis.



VIRVM  
PRÆCELLENTISSIMVM, NOBILISSIMVM, AMPLISSIMVM  
ERVDITISSIMVMQVE,  
DOMINVM

M. FRIDERICVM  
CHRISTIANVM  
BAVMEISTERVM,

RECTOREM GYMNASII GORLIGENSIS CELEBERRIMI

HOC ANNO CIO IO CC XXXVI.

SVMNIS NVMINIS NVTV  
ET

LEGITIMA AMPLISSIMI SENATVS

VOCATIONE

CONSTITVTVM

EPISTOLA,

QVA

MVNVS NOVVM GRAVISSIMVM IPSI GRATVLATVR  
ET EIDEM SIMVL  
QVÆVIS SALVTARIA ADPRÆCATVR

M. ANDREAS WILHELMVS LANGIVS,

S. THEOL. BACCAL. PAST. PRIM. BVDISS.

ibidemque ECCLESIAE EVANGEL. ET GYMNASII INSPECTOR.



32



Vm, quod ipse, VIR PRÆCELLENTIS-  
SIME, FAVOR ÆSTVMATISSIME,  
fateris, provida providi summique Numi-  
nis clementia ad munus gravissimum scho-  
lasticum, **Rectoratum** videlicet in-  
cluti **Gymnasii Gorlicensis** hoc  
anno vocatus fueris, **TIBI** vi amicitia legum jam antea de  
hac sparta gratulari debuissim; Enim vero cum variis, quod  
facile conjecturare licet, negotiis haud levis momenti hætenus  
impeditus fuerim, & exaratis ad **TE** quibusdam prius privatis  
litteris, **TVAS**, me de statu **TVO** exoptatissimo certiozem red-  
dituras, anxie expectarim, acceptis illis, officium meum, quo  
me **TIBI** præ multis aliis obstructum sentio, fero licet, tamen  
ferio & sincere paucis hisce publice tueri volui. Legi, perlegi  
& relegi, **VIR PRÆCELLENTISSIME**, scripta illa eruditissi-  
ma, quæ sub auspiciis muneris, **TIBI** mandati, publici fecisti ju-  
ris, necumque non sine summa animi mei oblectatione commu-  
nicasti. **TE** rite & præter omnem plane expectationem de ca-  
thedra Academica Gorlicium vocatum, & **Rectorem**  
**Gymnasii** ibidem legitime designatum esse, ex iisdem probe  
intellexi. Et qui sane aliter? Summo omnium applausu in  
**Academia Vitembergensi**, cujus fama per totum du-  
dum abiit orbem, & eundem semper circumvolabit, docuisti, &  
ore disertissimo innumeros attraxisti, imo omnium fere men-  
tes inclinasti adeo, ut ab eodem pendere, & solidissima institu-  
tione frui, summæ felicitatis duxerint loco. Ipse **TE** docen-  
tem & disputantem, cum antè biennium, & quod excurrit,  
filium meum curæ **TVÆ** eo tempore æque commissum, & stu-  
diorum causa Vitembergæ commorantem inviserem, ad stupo-  
ram audiivi, & in **TE** solo, quod innumeris aliis denegatum est,  
inveni. Sive igitur in docendo dexteritatem & perspicuitatem,  
sive alacritatem & promptitudinem, sive in proponendo suavissi-  
mum ordinem, sive in rebus tractandis summam soliditatem, sive  
in disputando *ambrosian* exactissimam, prudentiam maximam,  
& modum adversarios vincendi & convincendi prorsus singu-  
larem, & quæ præterea tantum negotium concernunt, dispu-  
tatoribus sapius quoque exercitatissimis haud satis cognita con-  
siderem, me, quem parem in **Academia** habueris, vix qui-  
dem

dem reperisse, citra insinuationis cujusdam illicitæ suspicionem assero & assevero. Qvi igitur TE latere potuisse possibile fuerit? Et quid mirum, famam de TE & singularibus animi TVI dotibus, cum per totam regionem percubuerit, ad Gorlicenses quoque pervenisse? Motus eadem haud fuit immerito Magnificus Excellentissimusque florentissimæ rei publicæ Gorlicensis Senatus, amore justitiæ, cœlestis veritatis, & veræ pietatis percelebris, ut TE, VIRVM non fortuito inventum, aut modo injusto denominatum, sed ab ipso DEO constitutum & designatum, communibus suffragiis, cujus rei eum nunquam penituerit, Gymnasio præficeret, & sic in statu florentissimo illud conservaret. Quæ & quanta Gymnasium inter & scholam differentia intercedat, dicant alii, & dudum jam dixere, quo refero post multos alios DN. HANKIVM, qvi illud olim jam discrimen satis excussit. In hac charta angustia de eadem nil attinet dicere. Interim pauca, quantum quidem epistolæ ratio permiserit, de Dnn. Rectoribus Gymnasii Gorlicensis commemorabo. A condito illo sequentes probe notandi sunt, scilicet Dn. M. Petrus Vincentius, Wratislaviensis, qvi primum in Academia Gryphiswaldensi Professor, Rector deinde Lubecæ, porro Professor Wittenbergæ, Anno 1565. Gymnasio ille Gorlicensi Celeberrimo est præfectus, quinquennio post in patriam, ut ibi Elisabethani Rector esset, & scholarum inspector, vocatus Anno 1581. Vir, qvi in intimiorem MELANCHTHONIS amicitiam admittebatur, nec Principibus ingratus, cujus epitaphium Gorlicii extat, quodque DN. CHRISTIAN GABRIEL FVNCCIUS commemorat in descriptione Ædis Petro Paulinæ Gorlicensis, p. 50. DN. M. JOACHIMVS MEISTERVS Gorlicensis, postea observandus est, qvi cum officio Rectoris Göttingensis functus fuisset, Rector in patria Anno 1570. & post annos quidecim Rector Bremæ Anno 1587. constitutus est, Vir, quem in sinu JOH. MAJOR fovebat, qvique præter dicta munera Rectoris partes passim sustinebat.

Sequitur DN. M. LAVRENTIVS LVDOVICVS, Leober-  
 genſis, Vir ſingulari eruditione præditus, qui, vocato DN. MEL-  
 STERO Bremam, Rector Gorlicenſis designatus eſt.  
 TROCEDORFIVM, cujus laudes, PRÆCELLENTISSI-  
 ME VIR, in curriculo vitæ DN. GROSSERI, Anteceſ-  
 ſoris Tui, eruditiffime conſignato, pluribus deprædicati, in  
 adoleſcentia, in juventute MELANCHTHONEM Præceptor-  
 res, ut ipſe ſæpe gloriatus eſt, audivit. Ut DN. M. MARTI-  
 NYM MYLIVM, Gorlicenſem, rude tandem donatum, imo  
 prius defuncto, DN. LAVRENTIO LVDOVICO deſidera-  
 tum, DN. M. HVLDERICVM SCHOBERV M ſicco nunc  
 præteream pede, DN. CASPAR DORNAVIVS, Ziegen-  
 rucka Varificus, Medicinæ Doctor, Rector Gorli-  
 cenſis Gymnaſii, poſt Beatheneniſis in Sileſia, tandem Li-  
 gio-Bregenſis Conſiliarius & Archiater conſtitutus eſt.  
 Orationem Gorlicii habuit de ſeveritate ac lenitate  
 in Rep. & ſchola. Varia erudita emiſit ſcripta, quæ inter  
 imprimis Amphitheatrum ſapientiæ ſocraticæ no-  
 tandum venit. De DN. M. ELIA CVCHLERO, Gorlicenſi  
 Gymnaſii patrii per annos XVII. Rectore, & DN. M. MAR-  
 TINO MOLLERO, cum, quæ præcipue dicam, non habe-  
 am, DN. DAVID VECHNERVM breviter attingo. Va-  
 rias hic Vir calamitates perpeſſus eſt, & per luſtrum in triſtiſſi-  
 mo exilio vixit, ſed, a DEO minime relictus, Rectoratum  
 Gorlicenſis Gymnaſii conſecutus non ſolum eſt, ſed ab  
 inſimo Miniſterii ibidem uſque ad ſupremum ejuſdem gradum,  
 a Diaconatu ſcilicet per Archi-Diaconatum ad Primariatum  
 feliciffimos quoque progreſſus fecit. Quæ de eodem paſſim  
 præterea commemorantur, notatu quidem digna eſſent, niſi,  
 quare ad huc plurima in dubium vocare debeam, diverſæ in  
 promptu eſſent cauſæ. Quapropter, miſſo illo, ad Virum Cla-  
 riſſimum, DN. M. CHRISTIANVM FVNCCIVM ve-  
 nio. Sive eiuſdem nativitatem, ſive vitam aut mortem ſpecte-  
 mus, ubique imis medullis inſigenda reperiemus. Collega  
 tertius in Gymnaſio Freybergenſi, & Con-Rector fuit,  
 poſt Con-Rector, ſ. quod alii malunt, Rector Alten-  
 burgenſis, tandem Rector Gorlicenſis, Vir ſolide

doctus, magna industria, rara patientia, haud infucata pietatis,  
**Doctor adamantinus**, verus **Christianus**, religio-  
nis, probitatis & sanctimoniae vitae amantissimus, colens Deum,  
serviens proximo, & meditans semper mortem. Enim vero  
cum ordo me ad **Magnum** illum, vere **Magnum**, *vob*  
*ev dyiois*, **DN. M. SAMVEL GROSSERVM** deducat, ma-  
re sese donorum immensum hic offert, nunquam exhaurien-  
dum. **PHIL. MELANCHTHON** olim **Vitembergae**  
**Dnn. Collegarum suorum** dona expendens, dicebat:  
**D. POMERANVS** Grammaticus est, verba textus bene  
explicans, ego sum **Dialecticus**, & textus ordinem, con-  
textum, & singula membra probe considero, **D. JONAS**  
**Orator** est, res pulchris verbis proponens, & mellitissimo le-  
pore corda flectens. At **D. LVTHERVS** est omnia, cui  
nemo nostrum conferri potest. Sane varios haste-  
nus eruditos **Gymnasii Gorlicensis Rectores**, quorum  
quolibet peculiaribus donis instructus fuit, vidimus, adeo, ut  
mox de hoc, quod lingvarum peritissimus, de alio, quod in Phi-  
losophia versatissimus, & sic porro, fuerit, dicere queamus. Si  
vero dicam: **Magnus ille GROSSERVS** omnia fuit, cui  
nullus ferme conferri potest, mecum idem omnes ad  
unum sensuros esse, certo credo. Interim illius laudibus,  
cum nec earum minimam partem calamus meus tenuis attinge-  
re valeat, **TV** vero, **FAVTO** **SVSPICIENDE**, in jam com-  
memorato vitae curriculo, quod verbis tanto **Viro** dignis po-  
litissime delineasti, illud in cujuslibet oblectationem maximam  
praestiteris, super sedere possum. Paucis multa dixisti, **PRAE-**  
**CELLENTISSIME VIR**, in curriculo illo, **Divum Gros-**  
**serum** & **dubiam** fecisse, & prorsus praeripuisse  
**palman** **Trocendorfio** - - - ipsum ingenio,  
scientia, regundaeque disciplinae scholasticae pe-  
ritia, nec **Trocendorfio**, nec ulli unquam alii con-  
cessisse. Pauca, inquam, sed veram **DIVI GROSSERI**  
imaginem nitidissime representantia. **VIR** sane, ut unicum  
verbulum addam, **cujus merita** quilibet constanti mente  
**B** tene-

tenebit, & sera posteritas memori pectore signata habebit. VIR, quem ego semper adeo, ut etiam librum de introductione in veram eruditionem ejusque primam partem primo intuitu humillimo quodam osculo olim exceperim, miratus sum & veneratus. VIR, cujus memoriam nulla unquam obliterabit oblivio. Mortuo LVTHERO, MELANCHTHON in parentatione habita his quoque verbis usus est: Nulla ferent talem secla futura virum. In illam cogitationem, Magni GROSSERI dona, merita, & officia mecum reputans, talem VIRVM vix inveniri adhuc posse, sapius incidi. Enim vero simul ac fama illa gratissima, TE, MAGNE BAVMEISTERE, magni illius Successorem designatum esse, ad aures meas pervenit, VIRVM ejusmodi usque huc superesse, pari dexteritate & industria muneri praefuturum, intellexi. Grates haud immerito DEO supremo & sapientissimo omnium Directori & Moderatori, qui Gymnasio florentissimo Gorlicensi denuo Doctorem pientissimum, in quovis scientiarum genere eruditissimum, sapientissimum, diligentissimum & Directorem vigilantissimum dedit, immortales persolvo. TIBI vero, ÆSTVMATISSIME FAVOR, de sparta hac, ea, qua decet, animi integritate & candore gratulor. Non parum ex hac vocatione gaudii ac solatii, cum nunc & Celeberrimum Gymnasii cujusdam Lusatiae nostrae superioris Doctorem, amicissimum mihi, & sine omni furo mei amantissimum vicinum sciam, in me redundare credas. Faxit vero DEVS ter optimus maximus, ut Gorlicii eadem, quam B. Dn. Antecessor sensit, benedictione divina, imo eadem, quam Vitembergae expertus es, hic fruaris felicitate! Sed cum Vitembergae injecerim mentionem, Leucoream aliam hanc de abitu Tuo, cum paulo ante discedens Clarissimus HOLMANNVS, Doctor Philosophus nunc Göttingensis Celeberrimus, eam lacrymantem post se reliquerit, lugentem, Gorlicium  
vero

vero TVVM de TVO adventu totum summo gaudio per-  
 fusum video. Quapropter seriis summum Numen fatigo  
 precibus, ut lacrymantem & pullatam Academiam, tanto  
 Doctore & Duce orbatam, clementissime respicere, la-  
 crymas abstergere, & ejus curam porro gerere velit! Gor-  
 licium vero, tanto Directore fortunatum, in florentissi-  
 mo illo statu DEus benignissimus semper conservet, ut  
 tantum Virum atque Doctorem, Gymnasio semel  
 datum atque donatum, nunquam, ad altiora forte Academica  
 munera, ut ego auguror, evocatum, in summum detrimentum  
 amittat, aut isto, non Gorlicii tantum, sed totius quoque  
 Lusatiæ superioris ornamento, alio modo privetur!  
 B. Dn. Tuus Antecessor, ERVDITISSIME VIR, quod  
 ejusmodi Viris, tot tantisque laboribus oneratis, alias rarissimum  
 est, multos numeravit annos, & ad venerandam pervenit fene-  
 stram. Et TIBI eosdem annos DEVSclementissimus  
 concedat, ut diu MAGISTER sapientissimus Gymnasium  
 ædificare, eidemque ex voto prodesse queas! Utar, si pace  
 TVA fieri possit, verbis TVIS, votis & precibus, pro salute  
 DN. GROSSERI, tum ad huc superstitis, fufis: Servet Te  
 DEus fidelissimum Doctorem in posterum sospi-  
 tem, Teque sufficientibus & animi & corporis  
 viribus instruat, ut diu, & videre, & amare, & co-  
 lere Te Tuis liceat, quem nunquam, nisi sum-  
 ma cum animi voluptate, videbunt, quemque  
 nec amare, nec observare satis poterunt. Alumnos  
 disciplinæ Grosserianæ, quales optare poteras, invenis,  
 doctrinæ salutaris, pietatis, morum & obsequii studiosissimos,  
 juvenes optime moratos, ab omni barbarie alienissimos, in qui-  
 bus, quid indefessus Doctoris pientissimi labor, quid ma-  
 nus ejusdem fideliter ducens, quid disciplina, imo quid ipsius  
 Ducis exemplum valeat, satis conspiciere licet. Illi, quot ca-  
 pillos in capite numerant, tot suspiria & vota seria pro salute,  
 incolumitate & statu TVO semper felicissimo ad DEVM me-  
 cum

96. 1317 JK

X 3456106

1218

cum haud dubie sunt missuri. Legi, Camentii olim, introdu-  
 ctis ibi tribus Praeceptoribus, Consulem quendam discipulos istius  
 scholae ita fuisse allocutum: Praefecimus vobis Praeceptores, pios,  
 doctos, fideles & prudentes. Volumus igitur, ut ad illorum  
 nutum & voluntatem vitam vestram dirigatis, eorumque pra-  
 cepta & monita promtissime admittatis. Vox enim Praeceptoris  
 vox Dei est. Vos estis Dei T. Q. M. beneficio salvi & in-  
 columnes servati. Vos estis illi furculi, palmites, propagines,  
 vitae radices, quibus vinetum nostrum scholasticum, truculen-  
 tia mortis haectenus disturbatum protritumve, nunc resciri posse  
 speramus. Macti virtute & ingenio juvenes, altas radices agite,  
 crescite indies auctibus majoribus, exoptatos fructus denique  
 ferte, expectationi Magistratus, parentum & piorum omnium  
 respondentes. De eo vero, quod Scholae Camentianae discipu-  
 lis serio mandatum atque injectum est, Cives Gymnasii  
 Vestri Ornatisissimi ita monendi non sunt, Duce GROS-  
 SERO probitatem & bonos mores, quorum fructus exoptatis-  
 simi ubique prostant, haectenus secuti. Inde spero, fore, ut in  
 posterum quoque totam vitam & omnes actiones ad nutum  
 TVVM & voluntatem directuri, TVAque praecpta & mo-  
 nita promtissime admitturi sint. VOX enim TVA etiam  
 Dei VOX est. Consequenter, ut TIBI, AMPLISSIME VIR,  
 vitam longevam, & cum ea quavis salutaria largiatur, DEVM  
 supplices venerari nunquam sunt destituri. SALUS enim TVA  
 salus Gymnasii, salus Gorlicii, salus totius Lusa-  
 tiae superioris, salus est tot hominum, qui, qualem  
 thesaurum in TE possideant, norunt. Quod ad me attinet,  
 vota mea repeto, & iisdem hanc epistolam obsegnatam volo,  
 TIBI, FAVOR VENERANDE, inconcussas semper ani-  
 mi corporisque vires ad publicam rei literariae utilitatem juvan-  
 dam, & rem TVAM gravissimam fortiter feliciterque peragen-  
 dam, animus adprecatus. Vale! scribebam Budissa in-  
 ter varios labores sacros d. 13. Jul. 1736.



961





7. 30, 68.

Y b  
1317

De Rectoribus Gymnasii Goricensis.



VIRVM  
PRÆCELLENTISSIMVM, NOBILISSIMVM, AMPLISSIMVM  
ERVDITISSIMVMQVE,  
DOMINVM  
M. FRIDERICVM

CHRISTIANVM  
MEISTERVM,  
GYMNASII GORLICENSIS CELEBERRIMI

HOC ANNO MDCCCXXXVI.  
IMIS NVMINIS NVTV  
ET  
A AMPLISSIMI SENATVS

VOCATIONE  
CONSTITVTVM  
EPISTOLA,  
QVA

VM GRAVISSIMVM IPSI GRATV LATVR  
ET EIDEM SIMVL

VEVIS SAHV TARIA APPRECATVR  
EAS WILHELMVS LANGIVS,  
THEOL. BACCAL. PAST. PRIM. BYDISS.  
LESIAE. EVANGEL. ET GYMNASII INSPECTOR.



32

**Farbkarte #13**

**B.I.G.**

Black	Black
3/Color	3/Color
White	White
Magenta	Magenta
Red	Red
Yellow	Yellow
Green	Green
Cyan	Cyan
Blue	Blue

Inches: 1, 2, 3, 4, 5, 6, 7, 8

Centimetres: 1, 2, 3, 4, 5, 6, 7, 8, 9, 10, 11, 12, 13, 14, 15, 16, 17, 18, 19

